



**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA TEŠANJ
OPĆINSKO VIJEĆE**

Broj: 01- /19
Datum: 2019. godine

PRIJEDLOG

Na osnovu člana 14. Statuta Općine Tešanj („Službeni glasnik Općine Tešanj“ broj: 11/07), člana 21. stav 6. Odluke o izvršavanju budžeta Općine Tešanj za 2019. godinu („Službeni glasnik Općine Tešanj“ broj:9/18), Općinsko vijeće Tešanj na svojoj ____ sjednici održanoj dana _____ 2019. godine, d o n o s i

ODLUKU

o izmjeni Odluke o usvajanju Programa novčanih podsticaja
za unaprjeđenje primarne poljoprivredne proizvodnje na području općine Tešanj u 2019. godini

Član 1.

Ovom Odlukom vrši se izmjena Odluke o usvajanju Programa novčanih podsticaja za unaprjeđenje primarne poljoprivredne proizvodnje na području općine Tešanj u 2019. godini, tako da se u Program dodaje nova poticajna mjera pod tačkom:

3.8. PROIZVODNJA PŠENICE ZA OTKUP

Kriteriji koje mora ispuniti podnosilac zahtjeva za dobijanje novčane naknade na ime podsticaja za proizvodnju pšenice za otkup su:

- da proizvede i registrovanom otkupljivaču preda najmanje jednu tonu merkantilne pšenice,
- da izvrši prijavu žetvenih površina pšenice najkasnije do **10.08.2019** .godine,
- zahtjevi za dobijanje novčane naknade na ime poticaja se podnose do **30.11.2019**.godine.

Visina podsticaja za proizvedenu pšenicu iznosi 0,05 KM/kg pšenice predate otkupljivaču.
Visina podsticaja može biti i manja, zavisno od broja odobrenih zahtjeva.

AKTIVNOSTI I PROCEDURE

Služba će pomoći podnosiocu zahtjeva u dostavi zahtjeva Komisiji za podsticaje za svakog podnosioca zahtjeva ponaosob. Uz zahtjev za podsticaje podnosilac zahtjeva će dostaviti slijedeću dokumentaciju :

- a. Zapisnik komisije za poticaje o žetvenim površinama pšenice za svakog proizvođača,
- b. Račun, potvrdu ili otkupni list, odnosno ovjerene kopije istih o predatoj količini pšenice registrovanom otkupljivaču,
- c. Listu korištenja iz RPG,
- d. Fotokopiju kartice broja bankovnog računa

Član 2.

Ova Odluka stupa na snagu narednog dana od dana objavljivanja u „Službenom glasniku Općine Tešanj“.

PREDSJEDAVAJUĆI VIJEĆA

Senad N. Subašić dipl.oec.

Obrazloženje:

PRAVNI OSNOV:

Pravni osnov za donošenje ove Odluke sadržan je u članu 21. stav 6. Odluke o izvršavanju budžeta Općine Tešanj za 2019. godinu („Službeni glasnik Općine Tešanj“ broj: 9/18) kojom je definisan način utroška planiranih sredstava i Budžetu Općine Tešanj za 2019. godinu („Službeni glasnik Općine Tešanj“ broj: 9/18) u kome je definisana visina sredstava za ove namjene.

RAZLOZI ZA DONOŠENJE ODLUKE:

Obzirom da je od strane proizvođača merkantilne pšenice na području naše općine iskazan problem prodaje odnosno otkupa pšenice te da istu nisu u mogućnosti skladištiti i čuvati na svom gazdinstvu Služba za finansije, privredu, komunalne i inspeksijske poslove je razmotrila mogućnost uvođenja u Program nove mjere poticaja odnosno poticaja proizvodnji pšenice za otkup.

Prema podacima u Registru poljoprivrednih gazdinstava i klijenata u 2019. prijavljena je proizvodnja pšenice na površini cca 50 ha mada su te površine značajno veće obzirom da sva gazdinstva koja se bave navedenom proizvodnjom nisu upisana u Registar ili ne mogu dokazati osnov korištenja poljoprivrednog zemljišta (nema ugovor, više nasljednika i dr.).

Shodno navedenom, a u cilju rješavanja otkupa merkantilne pšenice obavljen je razgovor sa gđinom. Kopic Muhamedom „Dukat“ mlin i pekara Jelah, koji nam je istakao problem infrastrukture odnosno da ne raspolažu sa dovoljno smještajnih kapaciteta te da nisu u mogućnosti da otkupljuju pšenicu od proizvođača. Isti problem je istakao i vlasnik mlina „Klas“ Velika Brijesnica, napomenuvši da nije u mogućnosti da otkupi pšenicu ni od lokalnih proizvođača. Interes za otkup pšenice od proizvođača sa područja općine Tešanj iskazao je mlin „MIJIĆ“ općina Žepče, po otkupnoj cijeni u iznosu od 0,30-0,32 KM/kg određenog kvaliteta.

Imajući u vidu opredjeljenost Općine Tešanj da se potiču tržišno orjentisane proizvodnje, te značaj pšenice za ishranu stanovništva, predlažemo da se na osnovu definisanih kriterija potaknu proizvođači merkantilne pšenice.

Sredstva za poticaj otkupljivačima pšenice će biti obezbijedena kroz rebalans budžeta Općine Tešanj.

OBRADIVAČ:

Služba za finansije, privredu, komunalne i inspeksijske poslove

Hamzaliya Hojkurić dipl.ecc



PREDLAGAČ:

OPĆINSKI NAČELNIK

Mr. sci. Suad Huskić

Broj: 02-02-1-548-4/19

Datum: 18.07.2019.godine